

391

QVÆSTIO MEDICA
CARDINALITIIS DISPUTATIONIBVS MANE
DISCVTIENDA IN SCHOLIS MEDICORVM DIE MERCVRII XXIX. MAIL.
M. PETRO SÈGVYN MED. ET PROFESSORE REGIO MODERATORE.

Vtrum hæmoptoicis adstringentia?

QUÆLIBET sanguinis, humorum in eodem fonte, ab eodemque calore genitorum vtilissimi, communis partium omnium alimenti, atque veri temporum saluberrimo respondentis profusio, vndeunque manet, cum præter naturam sit, iure metuenda: sed omnis eiusdem non vitiosi modo, verum etiam bonitate eximij vt purpurei per os anagoge siue hæmoptysis, quæ vel è ventriculo cum vomitu, vel è thorace aut pulmone cum tussi, aut etiam ab hepate per prædictas partes cietur, terrifica. CERNIS VT È MOLLI SANGVIS PVLNONE REMISSVS ADSTYGIAS RECTO TRAMITE DVCIT AQVAS.

ÆTERA sanguinis profluua sæpe lege criticâ sunt salutaria, vel etiam naturæ λήγης excitantur: sic hæmorrhagia epheborum propria est cum venerem agnoscere vocemque asperiores edere incipiunt: sic menstruum siue hæmorrhagia hysterica virginibus viro maturis & mulieribus vacuis naturaliter infita & per lunæ periodos consueta sanguinem solâ copiâ redundantem purgandi necessitas, mirificos sanitatis fructus atque fecunditatem solis menstrualibus adfert: sic dysenteria cruenta plethoricis & mutilis: sic denique hæmorrhoides melancholicis, fanaticis, nephriticis, adeoque hæmoptoicis salutares: sola sanguinis anaphora symptomatice est & terrifica.

VM AVTEM omne symptoma morbi cuiuspiam sit confectarium, hæmoptysis excreti ametria (viris quàm mulieribus frequentior) causâ habet morbos vasorum è quibus sanguis effertur; Anastomosis quam sanguinis copia, feruor, motus & calidorum vsus inuehunt; diapedesin seu verius vasorum mollietiem & raritatem; atque diæresin quæ duplex est, rhexis a causis tam internis vt plethora & flatuum copia, quàm externis ictu, clamore, ira, frigore; & Anabrosin ab acri humore prauâ diætâ collecto vel è capite demisso. Apertis vasorum osculis vel ruptis, sanguis multus & confertim erumpit, rarefactis, sensim sudoris instar transcolatur: erosus paucus & saniosus vel purulentus breuibus ex interuallis reijcitur, donec temporis progressu penitus excofo vase copiosius intertussendum erumpat.

RECTE THESSALVS ex contrariorum lege monebat vt retinendorum fluor adstringentibus prudenter sisteretur: itaque vberius & per iter deuuium prorumpentem sanguinem τοχμια trium generum cohibebunt; auertentia, æquantia & reprimentia. Auertent crebra in cubito & malleolo phlebotomia, vel exhaustis fluxu viribus cucurbitulæ crutibus, inguinibus, hypochondrijs affigendæ, partium inferiorum frictions, vincula, foci, enematæ, mensium & hæmorrhoidum prouocatio. Equabunt & ad symmetriam reducent proba victus ratio ex inconstantibus & stypticis; veneris abstinentia, silentium, lenis respiratio, somnus, corporis atque animi tranquillitas, humoris superuacanei expurgatio roborando & adstringendo facta: hic syrupus rosarum pallidarum vetus, rhabbarum, myrobalani, tamarindi pectoralibus admixta, potionis boli vel pilularum formulâ, iure & loco præscribentur.

DENIQUE sanguinis impetum reprimant atque vas apertum vel ruptum contrahent, glutinabunt, firmabunt, assumpta zulapia, eclegmata, opiatæ, pulueres, trochisci ex adstringentibus vt portulaca, plantagine, polygonò, rosa, symphyto, bolo armena, corallio, hæmatite, gummi tragacanthæ & arabico, mastiche, cæteris id genus, quorum vim torpidam excitabunt & ad partem ægram deferent admixta quædam tenuium partium aromatica vt cinamomum & spica nardi; Admota thoraci epithemata ex oxycrato rosaceo, litus ex oxyrhodino nenupharino, ceratum santalinum, tandemque ex mastiche & carne cydoniorum emplastra. Sæpe in hæmoptysi post casum ex alto sanguis è vasis in corporis cavitatem effusus concreuit in grumos, quos oxycrato, mummiâ, pice nauali & hædi leporis siue coagulo dissoluere simulque sanguinis ore prorumpentis organum reprimere & adstringere licebit.

Ergo hæmoptoicis Adstringentia.

38

Propugnabat NICOLAVS REGNIER Parisinus Anno R. S. H. M. DC. XIX.

